

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 04-1-924/12
Sarajevo, 05.03.2012. godine

Na osnovu člana 171. stav (2) i (4) Zakona o visokom obrazovanju – prečišćen tekst („Službene novine Kantona Sarajevo“ broj: 22/10), člana 213. Pravila Elektrotehničkog fakulteta u Sarajevu – prečišćen tekst broj: 01-01-2966/09 od 09.10.2009. godine i Odluke Senata Univerziteta u Sarajevu broj: 01-38-729/12 od 29.02.2012. godine, a na prijedlog Dekana Elektrotehničkog fakulteta u Sarajevu, Nastavnonaučno vijeće Elektrotehničkog fakulteta u Sarajevu na svojoj 125. redovnoj sjednici od 05.03.2012. godine donosi

ODLUKU

o uvjetima i načinu ekvivalencije zvanja diplomirani inženjer elektrotehnike sa zvanjem magistar elektrotehnike – diplomirani inženjer elektrotehnike

Član 1.

Ovom Odlukom utvrđuju se uvjeti za ekvivalenciju zvanja diplomirani inženjer elektrotehnike stečenim po pred Bolonjskom sistemu studiranja sa zvanjem magistar elektrotehnike - diplomirani inženjer elektrotehnike stečenim po Bolonjskom sistemu studiranja.

Član 2.

Diplomiranim studentima Elektrotehničkog fakulteta u Sarajevu koji su stekli VII (sedmi) stepen stručne spreme i zvanje diplomirani inženjer elektrotehnike po nastavnim planovima i programima koji su važili prije primjene Bolonjskog sistema studiranja, priznaje se 180 ECTS studijskih kredita kao završen prvi ciklus studija i 90 ECTS studijskih kredita od ukupno utvrđenih 120 ECTS studijskih kredita, kao položeni ispiti na drugom ciklusu studija.

Član 3.

Studenti iz člana 2. ove Odluke su obavezni da polože razliku predmeta, te izrade i odbrane završni rad kako bi ostvarili preostalih 30 ECTS studijskih kredita, do ostvarenja ukupno utvrđenih 120 ECTS studijskih kredita (kumulativno) potrebnih za završetak drugog ciklusa studija.

Član 4.

Diplomirani studenti drugih fakulteta elektrotehnike u Bosni i Hercegovini i inostranstvu, po predhodnoj nostrifikaciji, dužni su uz prijavu dostaviti ovjerenu kopiju nastavnog plana i programa po kojem su završili studij, kako bi se utvrdila razlika u odnosu na nastavni plan i programa Elektrotehničkog fakulteta u Sarajevu.

Utvrđivanje razlike nastavnih planova i programa iz predhodnog stava vrši Komisija koju imenuje Dekan fakulteta.

Visina troškova utvrđivanja razlike određuje se u skladu sa Odlukom Vlade Kantona Sarajevo, broj: 02-05-19288-9/09 od 11.06.2009. godine o davanju saglasnosti na visinu

participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu.

Na osnovu utvrđene razlike i prijedloga Komisije, Dekan donosi odluku o priznavanju odgovarajućeg broja ECTS studijskih kredita.

U zavisnosti od broja nedostajućih ECTS studijskih kredita studentu se omogućuje polaganje odgovarajućeg broja predmeta kako bi se ostvario nedostajući broj ECTS studijskih kredita.

Član 5.

Studentima se omogućava izbor odgovarajućeg broja dodatnih predmeta iz kompletnog nastavnog plana i programa drugog cilusa studija odgovarajućeg odsjeka, kako bi ostvarili potreban broj nedostajućih ECTS studijskih kredita.

Polaganje izabranih predmeta odvija se na način normiran Zakonom o visokom obrazovanju ("Službene novine Kantona Sarajevo", broj: 22/10 - Prečišćen tekst) i Pravila studiranja za drugi ciklus studija.

Studentima koji su upisali postdiplomski magistarski studij po nastavnim planovima i programima koji su važili prije primjene Bolonjskog sistema studija, priznaju se položeni ispiti u postupku ekvivalencije. Svaki priznati ispit vrednuje se sa 6 ECTS studijskih kredita.

Član 6.

Studenti su obavezni odabrati temu za izradu završnog rada, izraditi i odbraniti završni rad u skladu sa Pravilima studiranja za drugi ciklus studija.

Član 7.

Elektrotehnički fakultet u Sarajevu će javno objaviti poziv studentima koji su stekli zvanje diplomirani inženjer elektrotehnike po nastavnim planovima i programima predbolonjskog sistema studiranja, koji su zainteresirani za sticanje uvjerenja o ekvivalenciji zvanja diplomirani inženjer elektrotehnike sa zvanjem magistar elektrotehnike – diplomirani inženjer elektrotehnike, da se prijave i evidentiraju u studentskoj službi.

Član 8.

Studenti koji polože dodatne ispite i odbrane završni rad i time ostvare nedostajući broj ECTS studijskih kredita, uspješno su završili postupak ekvivalencije zvanja diplomirani inženjer elektrotehnike sa zvanjem magistar elektrotehnike – diplomirani inženjer elektrotehnike.

Studentima iz predhodnog stava ovog člana Elektrotehnički fakultet u Sarajevu izdaje uvjerenje o ekvivalenciji zvanja diplomirani inženjer elektrotehnike sa zvanjem magistar elektrotehnike – diplomirani inženjer elektrotehnike.

Član 9.

Cijena postupka ekvivalencije i sticanja zvanja magistar elektrotehnike – diplomirani inženjer elektrotehnike utvrđena je u skladu sa Odlukom Vlade Kantona Sarajevo, broj: 02-05-19288-

9/09 od 11.06.2009. godine o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu i sastoji se od:

- 1.200,00 KM (član III Odluke – jedinična cijena participacije troškova studija sa PDV-om za drugi ciklus studija učenjem na daljinu studenti iz Bosne i Hercegovine)
- 300,00 KM (član I Odluke – Prijava i odbrana završnog magistarskog rada za drugi ciklus studija.

Dinamiku uplate iznosa iz prethodnog stava ovog člana, kao i raspodjelu ostvarenih sredstava odredit će Dekan na prijedlog Prodekana za opšte i finansijske poslove.

Član 10.

Ova Odluka stupa na snagu danom donošenja.

Član 11.

Stupanjem na snagu ove Odluke prestaje da važi Odluka Nastavnonaučnog vijeća Elektrotehničkog fakulteta u Sarajevu o nastavnom procesu za dodatne ispite za ekvivalenciju zvanja broj 04-1-363/11 od 17.01.2011. godine, kao i Pravilnik o ekvivalenciji zvanja diplomiranih inženjera elektrotehnike sa zvanjem magistar elektrotehnike - diplomirani inženjer elektrotehnike broj 04-1-1215/10 od 15.04.2010. godine.



DEKAN

Narcis Behlilović
Red. prof. dr Narcis Behlilović, dipl.ing.el.

Dostaviti:

1. Dekan
2. Prodekan za nastavu
3. Prodekan za opšte i finansijske poslove
4. **Studentska služba**
5. Web stranica
6. a/a